

**Uunga siunnersuut: Akileraaruserinermik ingerlatsineq pillugu Inatsisartut inatsisaata
allanngortinnissaa pillugu Inatsisartut inatsisaat**

(Sulisorisanik atukkiussinermi nalunaaruteqarnissamut pisussaaffik)

Aningaasaqarnermut Akileraartarnermullu Naalakkersuisumit saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Aningaasaqarnermut Akileraartarnermullu Ataatsimiititaliap sularinninnermini kingullermik ilaasortarai:

Inatsisartunut ilaasortaq Peter Olsen, Inuit Ataqatigiit, siulittaasoq

Inatsisartunut ilaasortaq Pele Broberg, Naleraq, siulittaasup tullia

Inatsisartunut ilaasortaq Mikivsuk Thomassen, Inuit Ataqatigiit

Inatsisartunut ilaasortaq Kristian Jeremiassen, Inuit Ataqatigiit

Inatsisartunut ilaasortaq Kuno Fencker, Siumut

Inatsisartunut ilaasortaq Karl Tobiassen, Siumut

Inatsisartunut ilaasortaq Jens-Frederik Nielsen, Demokraatit

UKA 2024-mi ulloq 25. september siullermeerinninnerup kingorna ataatsimiititaliap sunnersuut misissorpaa.

1. Siunnersuutip imarisaa siunertaalu

Siunnersuut akileraaruserinermik ingerlatsineq pillugu Inatsisartut inatsisaata allanngortinnissaanut tunngavoq. Nunatsinni suliffeqarfiit, nunanit allanit sulisorisanik attartortut, suliffeqarfiup nunami allameersup sulisunik attartornissamik isumaqatigiissuteqarfigisap aqqanik taassumalu inuussutissarsiorfittut nalunaarsugaanerata normuanik akileraartarnermik ingerlatsivimmut paasissutissiinissamut pisussaaffilerneqarnissaat siunnersuutigineqarpoq.

Siunnersuuteqartoq naapertorlugu neriuutigineqarpoq Akileraartarnermik Aqutsisoqarfiup paasissutissanik nutaanik pissarsinermigut kukkunerpassuit ilaatigut pinngitsoortissinnaassagai ilaatigullu Akileraartarnermik Aqutsisoqarfiup suliassaqarfimmik nakkutilliinerata tunaartalersorneqarneranut atatillugu paasissutissat atorluarneqarsinnaasut paasinarsissasoq.

2. Siunnersuutip Inatsisartunit siullermeerneqarnera

Siunnersuut siullermeerinninnermi partiinit tamanit tapersernejarpoq. Pissutsit arlallit siunnersuummik siullermeerinninnermi oqaatigineqartut annertunerusumik suliarineqarnissaasa pisariaqartinneqarnerat oqaatigineqarpoq. Tamanna tunngavigalugu siunnersuut Aningaasaqarnermut Akileraartarnermullu Ataatsimiititaliamut suliarineqartussanngorlugu innersuunneqarpoq.

3. Tusarniaanermut akissutit

Siunnersuut piffissami 2024-mi 11. junimit 5. julimut tusarniaassutigineqartoq Naalakkersuisut paasissutissiissutigaa. Tusarniaanermut akissutit tiguneqartut tunngavigalugit Naalakkersuisut tusarniaanermut allakkiamik suliaqarput, taannalu inatsisissatut siunnersuummut ilanngussatut ilanngunneqarsimavoq. Allakkiami allassimavoq tusarniarneqartut arlaannaalluunniit siunnersuummut oqaaseqaatissaqanngitsoq.

4. Aningaasaqarnermut Akileraartarnermullu Naalakkersuisup ilisimatitsiffiusumik ataatsimeeqatiginera

Siunnersuutit ataatsimiititaliamut aammalu Naalakkersuisut suliaasaqarfiinut ataatsimut attuumassuteqartut pillugit Aningaasaqarnermut Akileraartarnermullu Naalakkersuisoq ataatsimiititaliamit ilisimatitsiffiusumik ataatsimeeqatigineqarpoq. Siunnersuutit taakku ilusiligaanerannik saqummiussinnermi siunnersuut matumani pineqartoq ilaavoq.

5. Ataatsimiititaliap siunnersuummik suliarinninnera

Siunnersuummik siullermeerinninnermi siunnersuut nalinginnaasumik tapersersorneqartoq ataatsimiititaliamit maluginiarneqarpoq. Taamatuttaaq nunanit allanit suliarortut nunatsinni sulinerminni akileraarutinik akiliinissamat pisussaaffitsik malillugu akileraarutinik akiliisarnissaannik qulakkeerinninnissaq ataatsimiititaliamit isumaqatigineqarpoq.

Kiisalu piffissani aningaasaqarnikkut appariarfiusuni aamma suliffissanik pilernguffiusuni suliusannik akikinnerusunik akissarsiaqartitsiniartarnerup aammalu akileraartarnermik saneqqut-siniartarnerup akiorniarnerranni siunnersuut una alloriarnertut Naalakkersuisunit oqaatigineqartoq ataatsimiititaliamit maluginiarneqarpoq. Ataatsimiititaliamittaaq pingaartinneqarpoq nunatsinni suliffeqarfiit sulisartullu inatsisikkut illersorneqarnissaat.

Kiisalu nalunaaruteqartussaataitanermut atatillugu paasisitsiniaanerit ilitsersuinerillu pisariaqartut ingerlanneqarnissaat ataatsimiititaliamit naatsorsuutigineqarpoq. Nalunaaruteqartussaataasut kiisalu akileraartarnermik ingerlatsiviup allaffissornikkut pisariaqanngitsumik artukersorneqarnissaasa pinngitsoortinniarnissaa anguniarneqartariaqarpoq.

6. Siunnersuutip aningaasaqarnikkut kingunerisassai

Siunnersuutip piviusunngortinneqarnerani aningaasatigut kingunerisassat siunnersuummut nalinginnaasumik nassuiaatini allaaserineqarput. Taakkununga ataatsimiititaliaq allanik oqaaseqaatissaqanngilaq.

7. Ataatsimiititaliap inassuteqaatai

Ataatsimiititaliami amerlanerussuteqartut Inuit Ataqatigiit, Siumup Demokratillu ilaasortaatitaasa siunnersuutip **akuerineqarnissaa** inassutigaat.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.

Peter Olsen
Siulittaasoq

Pele Broberg
Siulittaasup tullia

Karl Tobiassen

Mariane Paviassen Jensen

Kuno Fencker

Kristian Jeremiassen

Jens-Frederik Nielsen